



Sýslumaðurinn á höfuðborgarsvæðinu

Hlíðasmári 1, 201 Kópavogi • www.syslumenn.is • kt. 650914-2520 • sími 458-2000

Umsögn Sýslumannsins á höfuðborgarsvæðinu við drög að frumvarpi til laga um stafrænt pósthólf í miðlægri þjónustugátt stjórnvalda. Mál 254/2020.

Sýslumaðurinn á höfuðborgarsvæðinu fagnar frumvarpi til laga um stafrænt pósthólf í miðlægri þjónustugátt stjórnvalda og telur ótvírætt að verði það að lögum muni það stuðla að skilvirkari opinberri þjónustu og tryggja öruggari leið til miðlunar gagna til einstaklinga og lögaðila með stafrænum boðleiðum. Þá mun það jafnframt hafa í för með sér verulega hagræðingu í starfsemi embættisins og framför í málsmeðferð auk fjárhagslegs sparnaðar.

Sýslumaðurinn á höfuðborgarsvæðinu vill koma á framfæri athugasemd sem snýr að því hvort að vafi geti leikið á því að frumvarpið taki til allrar opinberrar starfsemi og þjónustu óháð því t.d. hvort að málefnið heyri undir stjórnsýslulög eða ekki. Stjórnsýslulög nr. 37/1993, utan X. kafla laganna, gilda ekki um þinglýsingu, aðfarargerðir, kyrrsetningu, löggeymslu, lögbann, nauðungarsölu og skipti á dánarbúum, sem allt heyrir undir starfsemi sýslumannsembætta. Sýslumaðurinn á höfuðborgarsvæðinu telur að það megi ekki vera neinum vafa undirorpið að frumvarpið taki einnig til þessara málaflokka og mælist til þess að við meðferð frumvarpsins á Alþingi verði skoðað hvort ástæða sé til að kveða skýrar á um það í frumvarpinu eða greinargerð með því.

Kópavogi 07.12.2020

f.h. Sýslumannsins á höfuðborgarsvæðinu


Brynjar Kyaran
Sviðsstjóri
Fullnustu- og skiptasvið